

سِرِّ شَيْئَاتِكُمْ

سِرِّ شَيْئَاتِكُمْ ۱۳۳۰

اتبعون اهدكم سبيل الرشاد

دینی، علمی، ادبی، سیاسی هفته لقی مجموعه اسلامیہ در

والله يهدي من يشاء الى صراط مستقيم

صاحب و مدیر مسئول : ح . اشرف اویب

خطاب روح

عثمانی دلاور لرینه

آج دیدۀ امانکی ای سوکیلی ملت ...
قانه صوصامش دشمنمز ایلدی صولت
هم ویرملی بز آل اله هم ایتملی غیرت
غیرت یاراشیر بزله عثمانلی بز آلبت
بایرام کونیدر کوسترلم هایدی مسرت

طاغلمی طورور عزمنزه مرد متینز
اجدادمزنک وارثی بز خادم دینز
دین ووطنک حفظنه بر حصن حصینز
غیرت یاراشیر بزله عثمانلی بز آلبت
بایرام کونیدر کوسترلم هایدی مسرت

انوار شجاعت صاچیلیرکن کوزلرمزدن
دشمن شاشیریر هیئت دهشتورمزدن
قان آقسه آچیلسه یارالر هر یرمزدن
غیرت یاراشیر بزله عثمانلی بز آلبت
بایرام کونیدر کوسترلم هایدی مسرت

ارواح اوچوشور شوق ایله فوق سرمزده
دنیا تتر پای ثبات آورمزده
یاتسه قدده کفنسز اوله رق مقبرمزده
غیرت یاراشیر بزله عثمانلی بز آلبت
بایرام کونیدر کوسترلم هایدی مسرت

امین خاککی

واستملاکنه تشمیر ساق مکیدت ایله دککری کبی بر طاقم واهی اسباب
درمیانیه حدود عثمانیه به ایکیده برده تحشید قوتله میال حرب وجدال
کورنملری ده هپ نور پاک اسلامی اطفاف مقصدندن باشقه برشی دککدر.
ای عثمانلیق عنوان فاخریله اعلان مباهات ایدن عناصر اسلامیة !
شودرت کوچک حکومتک ظاهرده روم ایلی بی پارچه لامق کبی بر آرزوده
اولدقلمی کورینورسه ده حقیقت حالده آلتیوز سنه لک بر حکومت
معظمه عثمانیه نك، ده آجینی ادیان سائره به عددجه بر غالبیت قاهره
کوسترن دین عالی اسلامک احساسنه بر مقدمه مشئومه احضار ایدیلیور.
فقط ای قلبری حب وطن و دین ایله مملو اولان مجاهدین کرام، امین اولیکز که
اگر سز صبر و ثبات ایدرسه کز، انشای حربده اللکززه دوشهن
دشمن دولترینک اختیار و درمانده رجائنه، نسواننه، اطفالنه
مرحمت ایدرسه کز، اوجانوار خونریز لک صیدان و مخدراتمزه ایتدکلمی
دنات و فضا حترینه قارشو سز سجایای علویه اسلامیة بی اظهاره غیرت
ایدرسه کز؛ [الف یغلبوا الفین] نظم بلیغ صمدانینسک صراحة
تبشیر ایله دیککی اوزره بزم طابورمزنک آنلرک ایکی طابورینه، آنلرک
قوای مجموعهنه بزم نصف به ادرمزنک غالب کله جکی محققدر.

ایشته بوندن امین اوله لم که مبارک و طنمزه اوزادملق ایسته نیلن ایادی
تسلط مبارزین امتک حسام قاطع جهانگیرانه سیله کسیاه جکدر.
وبوشانلی غالبیت اسلامیة به شرف جلوی تقرب ایتمکده اولان ساک
جدید هجرینک - محرم الحرامی « الف یغلبوا الفین = ۱۳۳۱ » نظم
جلیل قهارانه سی اوزره پارلاق تاریخ اوله جقدر. بنا برین هر مؤمن
موحد مادر وطنک ناموس مبعجلی وقایده یکدل و متحد اولمالی
وبراطمشان نام ایله مظفریت قطعیة قریبه به - عون حقله - انتظار ایلی در.
(ان تنصروا الله ینصرکم و ینتد اقدامکم) فرمان تشجیع عنوان خدا
مقتضاسنجه صبر و ثبات ایده لم. زیرا صبر و ثبات موجب ظفردر.
والله خیر الناصرین.

کوریمجهلی

حافظ علی

تاریخ

ایران تاریخچه انقلابی

- ۳ -

دور استبرارده مأمورین و نظام.

مأموریت تجارقی و تولید ایتدیکی حقسنز لقلر - نفرسز ضابطلر،
آلایسز میر آلایلر - ایران قزاق لواسی.

وقایع انقلابیه نك تفصیلنه کیریشمزدن اول قبل المشروطیت
ایرانده حکمفرما اولان حکومت مستبدنه نك نه کبی بر حالده اولدیغی
مختصراً اولسه ده قارئلرمزه آکلامه بی فائده لی بولدی. بو خصوصده

«تجار» لرده زیان ایدرلردی . معین برمدت ایچون معین بریالی اجاره ایتش اولان والینک مدت اجاره سی انقضا ایدرسه ، یاخود وزیرک ، شاهک غضنه اوغرایه رق عزل اولونورسه ، دیگر بروالینک تعینیه سابق والی طرفدن تعیین اولان بوتون مأمورلر یکیدن تأمین مقام ایتک ، یعنی یکی مزایده یه داخل اولمق مجبوریتنه ایدیلر . بوکا کورده هر بر مأمور کنديسنی موقت عد ایدرک فرصتدن بالاستفاده ممکن ولدینی قدر فضله پاره طوبلامقدن باشقه دیگر برشی دوشو- نمیوردی . والیلر ، حاکمک تأمین مقام ایتک اوزره ایالت وولایتلرجه تعیین اولونان ویرکولرک مقدارینی تزید ایتکه غیرت ایدیورلردی . هر بروالینک رسمی ویرکوسی اولان «مالیات دیوانی» سندن بشقه برده «تفاوت عمل» نامیله غیر رسمی ویرکوسی وار ایدی . بو غیر رسمی اولان تفاوت عمل ییلدن ییله تزاید ایدیوردی . حتی برچوق مراکزده «تفاوت عمل» اصل ویرکوسی قات قات کچیوردی . «تفاوت عمل» اسندن آکلاشلدینی کی بر والینک تقدیم ایتش اولدینیه دیگر بروالینک تقدیم ایتدیکی عادت محلیه نك تفاوتندن عبارت ایدی . اعلان مشروطیتدن سوکره «مالیات دیوانی» و «تفاوت عمل» نامیله ویرکواصولنده موجود اولان بوثنایت قالدیریلهرق ویرکولر توحید ایدلدی .

اشبو مختصر تشریحندن آکلاشلدینی وجهله ایران مستبدلرنجه اداره مملکت آنجق جلب نقوددن عبارت ایدی . اما بوجلب نقود ، ملتی سفیل بر اقاچهش ، حقوق بشریه دن تجرید ایده جکمش ، بونلری نظر اعتباره آلان یوق . ملتی سفیل بر اقق بلکده بر سیاست و حکمت حکومت اقتضاسندن ایدی . قاجار خاندانه منسوب شاهلردن برینک «بزم ادامه حکومت ایتمه من ایچون اون اوك برا کسکه محتاج اولمه سی پک موافقدر» دیدیکی مشهوردر .

ایشته بوتون اقتدارلری فضله پاره ویره رک مأموریت آلان رجال دولتک بوتون مهارتلی ده ممکن اولدینی قدر اهالی بی فضله ضویه بیلدکدن عبارت ایدی . غایه بو اولدقن سوکره ارباب مکنت و ثروتک کندی ملکیتلردن امین اولاملری لازم کلیوردی . حقیقتاً اولیه ایدی . مختلف بهانه لرله اتهام اولونان تجارک املاک و نقودینک ضبط و مصادره ایلدیکی وقایع روزمره دن اولدینی کی ، الکخفیف مجازات ده مصادره اموال دن عبارت ایدی . بو خصوصه یالکز اهالی دکل ، مأمورلر دخی حائر امنیت دکل ایدیلر . کوچک بر مأمورلر بیوک بر والیه قدر هر کس هر دقیقه کنديسندن قوتلی برینک غضنه اوغرایه بیلیمک قورقوسیه لرزان ایدی . حتی صدر اعظمک بیه بو خصوصه امنیتلری یوق ایدی . چوق اولوردی که اونلرک شاه طرفدن املاکی مصادره ایدیلوردی و بوتون امتیازلری اللرندن چیقوردی . خلاصه هر کس دها قوتایسنه ازیلیر ، دها ضعیفی ازیوردی . بونک نتیجه شده ایران مدهش بر طاقم فجایع و مظالم صحنه اولیوردی .

ویره جکمز معلوماتدن محترم قارئلر منجه ایران احرارینک نه کی بر اصول اداره علمیه عصیان ایتدکلی آکلاشیه جقدر .

۲۱۳ نومرولی «سبیل الرشاد» ده ایرانی تعریف ایدرکن ایران حکومت سابقه سنک «لایسئل عما یفعل» ک نام معناسیه بر حکومت ظالمه اولدینگی بیان ایلشدک . شمعی ایسه بو حکومت ظلمده مأمورین ملکیه وعسکریه نك کیفیت وصلاحیتلرینه عاڈ برطاقم معلومات ویرمک ایسترز :

اوروپا ملتینک و آزچوق اوروپا اصول اداره سیله تدویر اولنان اوروپالی اولیان دیگر مملکتلرک بیلدکلی تشکیلات اداریه ایران دوره استبدادینه تمامیه یانچی ر کیفیت ایدی . بوراده نه یازیلی برقانون ، نه ده معین بر اصول و نظامه تابع طوتولان مأمورین وار ایدی . «بیورو- قراتیم» دیدکلی شیدن ایرانده بر نمونه بولامازدیکز . مستبد ایرانده کی مأمورین دولت صدر اعظمدن ، وزرادن طوته رق تا کوچک کوی آمرلینه قدره پی بر مستأجرلر ایدی . مقام وزرات ، حکومت و دیگر مأموریتلر لیاقت و سبق خدمات اوزرینه مستبد اولمایوب مزایده یه چیقاریلور ، هر کیم فضله ویرسه او تعیین اولونیوردی . بو اصول هر نه قدر رسماً اعلان اولونمور ایدیه سه ده فعلاً تطبیق ایدیلور ، برچوق تعامل و سوابقه نظر آ آری آری مأموریتلرک مقدار تقدیمی تعیین ایدیوردی . هر بر مواد تجاریه کی تقدیملرک پیاسه سنده ده ترقی و تنزل کیفیتی وقوع بولیوردی .

وزرا ، حکام هر نه قدر رسماً فرمان شاهی اوزرینه تعیین اولنیورلر ایدیه سه ده ، حقیقتده بونلر ویردکلی پاره مقابله صدر اعظمک تجویزی اوزرینه مأموریتلرینی صائین آلمش اولیورلر ایدی .

طبیعی برچوق رقیبلره قارشلی مزایده یی قرانمش اولان بر وزیر خسار اتنک نرهدن تضمین ایدیه جکلی بیلوردی . وزیر طرفدن تعیین اولنه جق والیلر ، حاکمک و سائر مأمورلر دخی ، مأموریتلرینی «تقدیمی» مقابله آلق مجبوریتنه ایدیلر . دیمک که وزیر آلدینگی صاتیوردی . و هر بر تاجر کی ضررینه ده صاتیوردی . سوکره بر ولایتک والیدکنی آلمش اولان والی مقر حکومتده کلدکده قضا ، قصبه و کوی مأموریتلرینی مزایده یه قویور ، جراج ایدیوردی . طبیعیدر که اک سوکره بوتون بوتجارتلرک آجیسنی زواللی «رعیت» دنیلن اهالی چکیوردی . آمرینه تقدیم ایتش اولدینی مبلغ معین مقابلنده ولایتی اهالی سیله برابر صائین آلمش اولان مأمور اهالی بی صویغه باشلیوردی . بو صورتله سنه دن سنه یه اهالی اوزرینه تحمیل اولنان ویرکولر چوقلاشیور ایدی .

بو بله بر اصولک شانندن اولان ظلم تعدی ارتشاحده ضایعه سی بولیوردی . محلی مأمورلرک ظلمندن وقوع بولان شکایتلر مرکزی مأمورلر ، وزیرلر ، حتی شاهلرجه بیه نظر اعتنا یه ایلدیوردی . آلمقده قابل دکل ایدی . چونکه اهالینک منافعی کوزده دیله جک اولورسه آرتق کیمسه والی اولمق اوزره کلیتی پاره ویرمن ، طوبدن مأموریت صائان

ایشته مافع خسیسه شخصیه دن طولایی بویه مضحك بردرکه رزالتہ ایندیریلن ایران نظامی هر قسم مزایا و داع ایدیوردی . نقاط عسکریده موجود اولان قلمعلر ، استحکاملر ، طویلر ، هر سنه خزینہ دولتدن تخصیصاتلری آلتدینی حالدہ خراب اولیوردی . طویلر چوریور ، ذخیره لر بتیوردی .

**

ناصرالدین شاه اوروپا به سیاحت ایتدیکنده قفقاسیاده روسلر طرفندن کندیسنه قارشی اجرا اولنان رسم استقبالده روس قزاق آلابی بر رسمی کچیدایمش ، شاهک خوشنه کتمشلردی . ایشه قزاقلرک قیافت ظاهر یه سندن خوشلانان شاه همان روس رجالیله مذکره یه کیریشیر و روس حکومتیله عقدایتدیکی بر مقاوله نامه موجبنجه روس ضابطلری طهرانده بر « ایران قزاق آلابی » تشکیله باشلیورلر . طهرانک مرکزنده وسیع بر میدان قزاق آلابی تخصیص اولنیور . بیوک بر قشله یاییور . روس قوماندانی ، روس معلم ضابطلری تحت قومانداسنده تشکیل اولونان بو قزاق آلابی ایرانک یکانه معلم و منتظم قوه عسکریه سنی تشکیل ایدیور . فقط روس ضابطانی تحت تربیه سنده تشکیل اولنان بوقوه عسکریه بالطبع ایرانک مرکزنده بر اجنبی مؤسسه عسکریه سندن باشقه بر شی اولامیور . بو خصوص تاریخ انقلابه عائد ویره حکمز تفصیلاتندن ده آکلاشیله جقدر . حال حاضرده دخی ایرانک یکانه قوه منظمه عسکریه سنی اشبو روس - ایران قزاقخانه سی تشکیل ایتکنده در .

ایران قزاق آلابیسنک تعریفی آریجه بر مقاله یه محتاج اولدیغندن بوکره بوقدرله اکتفا ایدیورز .

رسول زاده

محمد امین

قیلیج دینی

اوره ایلمنجی باب

بو یوک هرود

هرودک رقیبسز موقع حکمداری به صعودی ایشه بویه اولمشدر . مع مافیه موقعی مشکل و غیرشایان اعتماد ایدی . مهارت و شدتک صوک درجه سنه مراجعته مجبور اولیور ، بناء علیه : مستبدلرک دائما مراجعت ایتدکاری وسائط ظالمانه به مراجعتی مشروع کورویوردی . موقع اقتداره کلیر گلز آتی غونوس طرفداری اولان رؤسای اهالی دن قرق بش کیشی بی اعدام ایدوب اموائی ضبط ایتدی . بوندن باشقه برچوق مشاهیری ده قتل ایتمش ایدی . محضا قیصقانجلیق سببی ایله حکمدار (آرتو پولوس) ک طورونی کنج آریستوبولوسی کویا قضاء بوغدیرمش ، عموجه سی (یوسف) ی ، بعده سکسان یاشنده کی حکمدار سابق (هیرقنوس) ی قتل ایله مشدر . متعاقباً زوجیه سی (مریم) دخی تیغ غدر واختیاله دوچار اولدی .

مأموریتک و اصول اداره نک بویه بر اساس اوزرینه تأسیسی و ویرکولرک بویه ظالمانه بر طرزله استیفا سی اهالی بیننده ، افکار عمومی ده حکومته قارشی عداوتکارانه برحس تولید ایشدی . ایرانیلر ، مشروطیتدن اول حکمفرما اولان حکومتی ، حکومت ظالمه و غیر مشروعه ، دولت مأمورلرینی ده ظلمه دن عد ایدرلردی . دولت ویرکولرینی ممکن اولدقجه ویرمه مک وظائف مذهبی دن صایلیردی . بویه برتلقی بی شیعه علمای مذهبی سی بالاتزام ترویج ایدیورلردی . اهالی بیننده « ای انسان مأمور اولمز » دیه زبازد اولان ضرب مثل ذهنلرده رسوخ بولمش ایدی .

**

ملکتک امور عسکریه سی ده ای برحالدہ دکل ایدی . « تقدیمی » ، وطنک مدافعه حقوق و حدودیله موظف اولان بوقوتی ده آلت اوست ایتکنده ایدی . ناصرالدین شاهک اوائل سلطنتنده ایران عسکری آوستریادن جلب اولونان ضابطان واسطه سیله تنظیم اولونمز و اوروپا واری برنظام تشکیل اولونمش ایدی . صوکره لر ک امران میرزانک سپهسالرنی زماننده تقدیمی اصولی بورایده کیردی . ضابطلر آرتق لیاقتلری وسابقه خدمتلری اوزرینه دکل ، تقدیم ایتدکاری پاره مقابلنده رتبه لر تعیین و ترفیع اولنیورلر ایدی . خزینہ دولتندن کاغد اوزرنده موجود اولان یوز بیگ کیشیلک بر اردونک بتون مصارفی اخذ اولونیور ، فقط حقیقتده ایسه نفرلرک عددی کوندن کونه تناقص ایدیوردی . چونکه عائدات رسدیسنک بر قاج مثالی تقدیمی ویرن ضابط کندیسنی اضرار ایتمه مک ایچون نفرلرک عدد حقیقیسنی عدد رسمی سندن آزالتمق مجبوریتنده ایدی و بوضورتله مثلا خزینہ دولتندن بیگ نفرک معاشنی آلابن بر بیکباشی حقیقتده ایسه بیگ نفره مالک دکل ایدی : نفرلرک شهریه سنی ضابطلر ویرمیور ، کندیلری درجیب ایدیورلردی . صوکره ایش اوراده یه کلشدی که حربیه نظارتی نظامی رتبه لری حراجه چیقارمش برچوق رتبه لر صاعمش ایدی . او یله که مالک محروسه ایرانیه ده نفرسز ضابطلر ، آلابسز میر آلابلرک حد و حسابی یوق ایدی . بر فوج (طابور) ک قوماندانانغی آلمش اولان بر صاحب منصب (ضابط) ٹولور ایسه طابور باباسنک مالی ایش کبی قوماندانلق ارثاً ولد ارشدینه انتقال ایدیوردی . قوماندانلری بشیکده اولان طابورلر وار ایدی . رسمی کچید تقلیدلری یاییلیر کن بلوغه ایرمین ضابطلرک طابورلر ، بولوکار باشنده بولوندینی کورویوردی . اسکی زمانندن بری رتبه لری محافظه ایدن برچوق « امیرتومانلر » ، « میرنجلر » شمده واردر . امیرتومان اون بیگ عسکرک امیری دیمکدر . عصر ناصرالدین شاهیده رسماً یوز بیگ عسکر موجود ایدی . بوضورتله بوتون ایرانده اون دن زیاده امیرتومان اولماق لازم کلیر کن احتمال که بویه لرینک صایبسی یوزدن ده فضله در . هله بش بیگ عسکرک امیری عدایدیلن میرنجلر بلکه بش یوز قدردر . ده اشانغی رتبه لی ضابطلری صایه جق اولورسه کز نفر دن زیاده ضابط بولورسکز . بلکه ده موهوم برنفره بش ضابط کلیر .